

佛光大藏經

淨土藏 · 注疏部

無量壽經義疏
外 六 部



佛光山宗務委員會印行

佛光大藏經

淨土藏

・
注疏部

無量壽經義疏
外 六 部

佛光山宗務委員會印行

佛光大藏經

淨土藏・注疏部

無量壽經義疏
外六部

□監

修□星雲大師

□主

編□佛光大藏經編修委員會

□委

員□慈莊・慈惠・慈容・慈怡・慈嘉
依空・依淳・達和・永明・永進

一九九九年五月初版

有版權・請勿翻印

□發行

者□佛光山宗務委員會

□發行

人□慈惠（張優理）

□出版

者□佛光出版社

高雄縣大樹鄉佛光山

☎（〇七）六五六四〇三八・九

□流通

處□佛光山寺

高雄縣大樹鄉佛光山

☎（〇七）六五六一九二一・八

佛光書局

高雄市前金區賢中街二十七號

☎（〇七）二七二八六四九

臺北市忠孝西路一段七十二號九樓之十四

☎（〇二）二三一四四六五九

臺北市汀州路三段一八八號二樓

☎（〇二）二三六五一八二六

□裝訂

者□精益裝訂股份有限公司

□法律顧問

蘇盈貴律師

□郵政劃撥

第〇〇四五六三五一五號

□行政院新聞局出版事業登記證局版台業字第一五二四號

□如有缺頁或裝訂錯誤，請寄回本社更換

《佛光大藏經》編修緣起

夫佛法者，自內容教義觀之，固有其根本上不變之價值；然若於研究信解論之，則應有契合時代之方法與權巧，方能古今融會貫通也。

基於此一原因，吾人期盼此願望之實現，故於民國五十六年（一九六七年）佛光山開山以來，即未嘗一日稍怠，朝此目標邁進。其中《佛光大藏經》之編印付梓，乃在此機緣下誕生於世矣。

我如來一代時教，自漢時東來中土，歷朝大德，譯著典籍，代有所出。宋元明清各版藏經之蒐集編印，既保存聖言經教，亦提供為學者研究與發揚之據也。然各版所刊，未將三藏分段標點，致令今人望經興嘆，既感佛典深奧，非初學之所能解，且編排古板，雖信學有心，奈苦鑽而莫能入。佛光山諸有志者，有鑒於此，乃於民國六十六年（一九七七年）成立「佛光大藏經編修委員會」，以星雲主其事，集學者數十人，經年累月，採各版藏經，冀望作文字之校

勘、全經之考訂，以及經文之分段、逐句之標點，甚而名相之釋義、經題之解說，並有經後之索引、諸家之專文，吾人本懷，乃期編纂一部現代人人能讀，讀而易解，解而能信，信而易行之佛教聖典，唯其如此，方能助長佛法之延續與流傳也。

《佛光大藏經》之編纂新修，擬分以下類別：

- | | | | |
|----------|----------|----------|----------|
| (1) 阿含藏 | (2) 般若藏 | (3) 禪藏 | (4) 淨土藏 |
| (5) 法華藏 | (6) 華嚴藏 | (7) 唯識藏 | (8) 秘密藏 |
| (9) 聲聞藏 | (10) 律藏 | (11) 本緣藏 | (12) 史傳藏 |
| (13) 圖像藏 | (14) 儀誌藏 | (15) 藝文藏 | (16) 雜藏 |

自清代集《龍藏》三百餘年來，今有此修藏之舉，星雲等不自量力，為我中華文化，續佛慧命，點無盡之燈，開般若之華，讓佛光普照寰宇，使法水長流九州。今以愚誠，祈各方大德襄之、教之！不勝馨香企盼之至！

佛曆二五二七年（一九八三年）八月 星雲序於佛光山

凡 例

一．《淨土藏》係參考各版藏經及近代著述，收錄有關阿閼淨土、彌陀淨土、彌勒淨土、藥師淨土、文殊淨土、維摩淨土以及淨土宗之諸經論等，分為「經部」、「注疏部」、「著述部」、「纂集部」，加以標點斷句，並重新編排。

二．本會重新編整之慧遠《無量壽經義疏》，係以日版《大正新修大藏經》為底本，再對勘《卅續藏》（會本），並參考《涅槃經》、《無量壽經》，異同並比，互補遺闕。

三．本會重新編整之吉藏《無量壽經義疏》，係以日版《大正新修大藏經》為底本，再對勘《卅續藏》，並參考《無量壽經》，異同並比，互補遺闕。

四．本會重新編整之《兩卷無量壽經宗要》，係以日版《大正新修大藏經》為底本，再對勘《卅續藏》，異同並比，互補遺闕。

五．本會重新編整之《無量壽經連義述文贊》，係以日版《大正新修大藏經》為底本，再對勘《卅續藏》，並參考《佛五百弟子自說本起經》、《佛本行集經》

、《方廣大莊嚴經》、《無量壽經》、《梵摩喻經》、《瑜伽師地論》、《佛地經論》、《增韻》、《切韻》、《釋名》，異同並比，互補遺闕。

六·本會重新編整之《無量壽經起信論》，係以日版《卅續藏經》為底本，並參考《無量壽經》、《大寶積經》、《大智度論》，異同並比，互補遺闕。

七·本會重新編整之《無量壽經優波提舍願生偈》，係以號稱精本之《高麗大藏經》為底本，再對勘《磧砂藏》、《龍藏》、《卅續藏》，異同並比，互補遺闕。

八·本會重新編整之《無量壽經優婆提舍願生偈註》，係以日版《卅續藏經》為底本，再對勘《大正藏》，異同並比，互補遺闕。

九·書中有文字訛誤、脫落而無他版藏經可對校者，若經確定純屬傳刻之訛誤、脫落，則依前後文意或刪增，或改訂，並作注解說明。

一〇·本書所據以為底本之各版藏經，其字體或為古刻版字，或為異體字，為配合現代電腦排版之印刷字體，在不害字義之原則下，直接將經文中若干字改為現代通行字，而不加校勘說明。

一一・本書之整編採取新式標點與分段，將全文義標示清晰。文中所用之符號計有：「，、；。：！？」「『』」《》〈〉」等十二種。

一二・注解中所提及之「麗本」係指《高麗大藏經》，「磧砂本」指宋版《磧砂大藏經》，「卍續本」指日版《卍續藏經》，「大正本」指《大正新修大藏經》。

一三・書中特殊之佛學術語、艱澀詞句等，均根據各類辭書加以注解。

一四・本書之校勘、注解以卷為單位。文中注解號碼列於所注（或校勘）名詞或字之下。同一校勘字，若於同一卷出現多處者，則僅在初次出現時作注解，並於其注解之上冠一「*」記號，其餘各字不再累篇贅注，僅於該字右上角標上「*」，表示同前。

一五・本書採用雙頁注，凡有校勘、注解，在同一面就可以找到。

一六・本藏附有全部《淨土藏》之索引一冊，其內容收錄人名、地名、經名、物名、術語、法數等等。

目錄

一・星雲大師序	一
二・凡例	一
三・無量壽經義疏題解	一
無量壽經義疏（二卷）	三
隋・慧遠撰	三
卷上	三
卷下	六五
四・無量壽經義疏題解	一一一
無量壽經義疏（一卷）	一二五
隋・吉藏撰	一二五

五・兩卷無量壽經宗要題解……………	一六五
兩卷無量壽經宗要（一卷）……………	一六九
新羅・元曉撰……………	
六・無量壽經連義述文贊題解……………	一九三
無量壽經連義述文贊（三卷）……………	一九七
新羅・璟興撰……………	
卷上……………	一九七
卷中……………	二五一
卷下……………	三一三
七・無量壽經起信論題解……………	三七一
無量壽經起信論（三卷）……………	三七三
清・彭際清述……………	
卷上……………	三七三

卷中……………三九一

卷下……………四二七

八・無量壽經優波提舍願生偈題解……………四六九

無量壽經優波提舍願生偈（一卷）……………四七三
婆藪槃豆菩薩造
元魏菩提流支譯

九・無量壽經優婆提舍願生偈註題解……………四八五

無量壽經優婆提舍願生偈註（二卷）……………四八九
婆藪槃頭菩薩造
魏曇鸞註解

卷上……………四八九

卷下……………五二七

無量壽經義疏題解

一、名稱

《無量壽經義疏》，又名《無量壽經疏》、《大無量壽經疏》、《大經義疏》、《淨影大經疏》。係康僧鎧所譯《無量壽經》之注釋書。

二、作者

慧遠大師，其傳記詳見《觀無量壽經義疏》。

三、內容

《無量壽經義疏》，凡二卷。隋代慧遠大師撰。本疏於文前舉出二藏二教之教判，以《無量壽經》爲菩薩藏頓教所攝；次釋經名，分科經文，一一解釋文義。疏中所

引之經論有：《華嚴》、《涅槃》、《本起》、《十二因緣》、《辟支佛得道》、《勝鬘》、《維摩》、《大品般若》、《觀無量壽》、《梵摩喻》等經；《地論》、《地持》、《往生》、《毗曇》等論。本書爲《無量壽經》現存最古之注疏，其分科及三願（攝法身願、攝淨土願、攝衆生願）分類等方法，爲古來之淨土諸家所引用。

四、現存

本疏今收錄於《卍續藏經》第三十二冊（會本）、《大正新修大藏經》第三十七冊、《淨土叢書》第四冊。

無量壽經義疏上卷

沙門慧遠撰

聖教不同，略要唯二：一、聲聞藏；二、菩薩藏。教聲聞法，名聲聞藏；教菩薩法，名菩薩藏。聲聞藏中，所教有二：一、聲聞聲聞；二、緣覺聲聞。

聲聞聲聞者，是人先來求聲聞道，常樂觀察四真諦法，成聲聞性，於最後身值佛爲說四真諦法，而得悟道，本聲聞性，今復聞聲而得悟道，是故名爲聲聞聲聞。經言「爲求聲聞者說四諦法」，此之謂也。

緣覺聲聞者，是人本來求緣覺道，常樂觀察十二因緣，成緣覺性，於最後身值佛爲說十二緣法，而得悟道，本緣覺性，以最後身聞聲悟道，是故號曰緣覺聲聞。經言「爲求緣覺者說十二緣」，據此爲言。

成二雖殊，同受小法，並於現在聞聲悟道，是故對斯二人所說，爲聲聞藏。

菩薩藏中，所立二：一、漸；二、頓。言漸入者，是人過去曾學大法，中間習小，證得小果，後還入大，從小來，稱之爲漸。故經說言「除先修習學小乘者，我今亦

令入是法中」，此是漸入。言頓悟者，有諸衆生，久習大乘相應善根，今始見佛，則能入大，大不由小，因之爲頓。故經說言「或有衆生，世世已來，常受我化，始見我身，聞我所說，即皆信受，入如來慧」，此是頓悟。漸入菩薩，藉淺階遠；頓悟菩薩，一越解大。頓漸雖殊，以其當時受大處一^①，是故對斯二人所說，爲菩薩藏。

聖教雖衆，不出此二，故龍樹云：「佛滅度後，迦葉、阿難於王舍城結集法藏，爲聲聞藏；文殊、阿難於鐵圍山集摩訶衍，爲菩薩藏。」《地持》亦云：「佛爲聲聞、菩薩行出苦道，說修多羅，結集經者，集爲二藏：以說聲聞所行，爲聲聞藏；說菩薩行，爲菩薩藏。」故知聖教無出此二，此二亦名大乘小乘、半滿教等，名雖反改，其義不殊。

今此經者，二藏之中，菩薩藏收，爲根熟人頓教法輪。云何知頓？此經正爲凡夫人中，厭畏生死，求正定者，教令發心，生于淨土，不從小大，故知是頓。

已知分者，次釋其名。今言《佛說無量壽經》者，蓋乃標經部別名也。諸經所以皆首題其名，爲示所明法。此經宗顯無量壽佛所行所成及所攝化，故始舉之。但彼諸經得名不同，或但就法，如《涅槃》等；或唯就人，如《提謂經》、《太子經》等；

或單就事，如《枯樹經》等；或偏就喻，如《大雲經》、《寶篋經》等；或有就時，如《時非時經》；或就處所，如《楞伽經》、《伽耶山頂經》等；或人法雙題，如《維摩經》、《勝鬘經》等；或事法並舉，如彼《方等大集經》等；或法喻並彰，如《華嚴》、《法華經》等；或人法雙舉，如《舍利子問疾經》等，如是非一。

今此經者，就人爲名，初、列人，凡有四種：一、舉說人，如《維摩》等；二、舉問人，如《文殊問》等；三、舉所說之人，如《太子經》等；四、舉所化之人，如《須摩提女》、《玉瑯經》等。

今此經首通舉能說及所說人，初言佛者，舉能說人；無量壽佛者，舉所說人。起說不同，凡有五種，如龍樹說：「一、佛自說；二、聖資說；三、諸天說；四、神仙等說；五、變化人說。」此經佛說，爲簡餘四，是故舉佛。

佛者，外國語也，此翻名覺。覺有兩義：一、覺察名覺，對煩惱障。煩惱侵害，

①「一」字下，大正本有「是頓悟菩薩一越解大頓漸雖殊以其當時受大處一」，今依據已續本《無量壽經義疏》會本刪去。

事等如賊，唯聖覺知，不爲其害，故名爲覺。此之一義，如《涅槃》釋。二、覺悟名覺，對其智障。無明眠寢，事等如睡，聖慧一起，朗然大悟，如睡得悟，故名爲覺。所對無明，有其二種：一、是迷理性結無明，迷覆實性；對除於彼，變妄契真，悟實名覺。二、事中無知，迷諸法相；對除於彼，悟解一切善、惡、無記三聚等法，故名爲覺。故《持地》云：「於義饒益聚、非義饒益聚、非非義饒益聚，平等開覺，故名爲佛。」義益是善，非義是不善，非非義是無記，於此悉知，故名爲覺。既能自覺，復能覺他，覺行窮滿，故名爲佛。

言自覺者，簡異凡夫；道言覺他，別異二乘；覺行窮滿，分異菩薩；是故獨此，偏名爲佛。口音陳唱，目之爲說。無量壽者，是其所說。此經宣說無量壽佛所行、所成及所攝化。言所行者，宣說彼佛本所起願，本所修行。言所成者，說今所成法身、淨土二種之果。言所攝者，普攝十方有緣衆生，同往彼國，道法化益，名爲所攝。又今一切諸菩薩等，學其所行，得彼所成，同其所攝，名所攝矣。此等差別，不可備舉。攝德從人，是故但云說無量壽。

佛名有二種：一、通；二、別。如來、應供等，是其通名；釋迦、彌勒、無量壽